




~~Rara~~

H. M.


11,90





PAUL ADAM NACHFOLGER  
KARL LION  
KUNSTBUCHBINDEREI  
DÜSSELDORF









80  
W

**B**richt vff den  
vermeinten fürgestalten Anstandt  
zu Nürenberg.



M. D. XLIII.

Historisches Museum  
der Stadt  
Düsseldorf.

20 H. M. II. 90.

1016

**K**urtzer bericht eillicher vrsachen  
warumb die Artickell des vermeinten Anstandts  
so des durchleuchtigen hochgebornen Fürsten vnd  
Herren / Herren Wilhelms Herzogen zu Gölch/  
Selre / Cleue vnd Berg / Grauen zu der Marck/  
Zutphen vnnnd Rauenßberg / Herren zu Rauen-  
stein etcf. Rethen zu Nürenberg surge-  
stalt / von seiner S. G. nit können  
noch sollen angenomē oder  
bewilligt werden,

**I**m ersten / hat hochgedach-  
ter Herzog seine Rethen vnd Gesandten  
in den Reichs sachen zu handeln / Auch  
seiner S. G. verantworung vnd beswer-  
nuß Churfürstern / Fürsten vnnnd Stenden des  
Reichs surzutragen, abgefertigt. Vnd als seiner  
S. G. vberflüssig vñ mehe dan rechtmessig billich  
erbieten / auch des heiligen Reichs Recht vnnnd  
ordnung bey dem Keyserlichen Quatorn / vnd der  
Königinnen Gesandte nit stat haben mögen / So  
ist sein S. G. verursacht / an Churfürsten / Fürsten  
vnd Stende des Reichs zu schreiben / wie mit N.  
hernach volgt.

Wiewoll nun der verordenter Aufschoff höch-  
sten vleiß angewandt / einen beständigen fridden /  
oder ehe einen fridlichen darzu dienenden anstätt  
zu thedingen. So hat doch solichs bey dem gege-  
theill nit können erhalten werdenn / Also das der  
Reichstag mitler weill sein entschafft genom-

a ij men /

men/vñ der Aufschuß sich der handlung entschla-  
gen/vñ die abgeschrieben/mit erbietung etc. ver-  
mögg der schrifft mit B. Aber nachendung des  
Reichstags/solichem abschreiben/vñ verzeiten  
eins theils des Aufschuß / haben etliche bey dem  
Keyserlichen Oratoren güter meynungen ange-  
halten/vñnd doch nit anders dan die vntregliche  
vnpillige mittell des obberurten Anstands auß-  
bringen mögen/vñnd hochgedachtes Herzogen  
Rethen vñd Gesandten furgestalt / welche sich  
die anzunemenn nit allein besweert / sonder auch  
offentlich angezeigt/das es irem beuelh vñnd in-  
struction zuwidder were / mit bith vñd begeren/  
das sie es anjren gnedigen Herzen gelangen möch-  
ten/Welchs jnen doch abgeschlagē/wie alles mit  
denen so darbey gewesen/zu beweisen sein soll.

So ist auch vnlenchbar/das hochernanter Her-  
zog seinen Rethen vñd Gesandten keinen beuelh  
noch gewaltsgegebē/sich in soliche/oder derglei-  
chen vnbeständige handlung oder Anstande zu  
begeben/viltweniger darjn zu bewilligen/Sonder  
sein durch vilerley bewegnuß vñd vermanung da-  
hin berichte vñd vertroist/ als das die annemung  
hochgedachtem Herzogen zu gutem vñd wolge-  
fallen reichen würd/vñd das es die vnderhändler  
bey seiner S. G. wörden helffen verantworten/  
wie jnen derhalber ein schrifft an seine Fürstliche  
Gnad zu irer entschuldigung mitgegeben / wie  
mit C. verzeichent.

Zums:

**Zum andern /** Sein die furgestaltē mittell  
als vnpillig den Burgundi-  
schen fürhelhafftig vnd hochernantem Herzog-  
gen vnd seiner **S. G.** Lantschafften mit allein vn-  
treglich / sonder auch als an gewissen / ehren vnn-  
pflichten verletzlich / keins wegs annemlich gewe-  
sen / wie auß verlesung derselbiger vnd folgender  
erinnerung leichtlich abzunehmen / Dan ob ime wol  
der naem eines Anstands gegeben worden / so ist  
es doch den Burgundischem mit allein ein An-  
standt / sonder auch so lang es jnen gefellig ein be-  
stendiger frid gewesen. Aber hochbestimpter Her-  
zog weder des einen / noch des anderē versichert /  
sonder hette alle zeit wan es den Burgundischen  
gelegen vnd sein **S. G.** mit gefast. des geweltliche  
vberzugs vñ vbereilents widerumb gewertig sein  
müssen. Nachdē die vffkündung allein den Bur-  
gundischen fürbehalten vnd zugelassen.

Vnd ob wol gesagt / das der anstandt hette sol-  
len weren zween monat nach Keyserlicher Maie-  
stat ankumpft zu Burget / vnd die Stende mitler  
weill zu irer Maiestat schicken vnnnd ferner hand-  
lang fürnemen. So künnte doch Keyser. Maiestat ein  
geraume zeit der ort ankommen sein / ehe es hochge-  
dachter Herzog wissen möcht / Aber vill lenger  
zeit daraußf gehen ehe es sein **S. G.** beyden Chur  
vñ Fürsten dahin brechte. das sie mit seiner **S. G.**  
Rechen zu Keyserlicher Maiestat schickten. Al-  
so das für vmbganck der zweyer Monat nichts ge-  
handelt hette mögen werden. Vnd ob gleich

Mittler weill die schickung beschehen / vnd die vnderhandlung fürgenommen / so were doch ungewiß / das damit ichtwes fruchtbars / oder hochernantem Hertzogen zu gutem zu erhalten sein mögen / Sonder mehe zu besorgen / das sein **F. G.** keines pilligen leidlichen friddens oder vertrags gewertig gewesen / Nachdem Keyf. Maiest. durch boesen bericht der mißgünstigen ( wiewol vnerschuldt) dermassen verbittert / das auch vff vilfeltig vnderthenig ansuchen / bitten vnd erbieten seiner **F. G.** insonderheit personlich zu Gendt beschehen / Auch vff fürbich vnd ermanen der Churfürsten / Fürsten vnd Stende des Reichs zu Regenspurg / alles für dem krieg / bey Keyf. Maiest. nye sowill hat können erhalten werden / das seiner **F. G.** eins von dreyen hette mügen weder fare / Als das sein **F. G.** zu Recht / verhoer / oder gütllicher handlung were zugelassen / Das ander / das sein **F. G.** mit seinen Fürstenthumben / darüb doch kein streit ist / belehent were worden / Vnd zum dritten / das sein **F. G.** doch zum wenigsten für gewalde zum Rechten hette mügen versichert werdē / Es were dan / das sein **F. G.** das Landt von Sellen fürhin vnerhorter vnd vnerkandter sachen vbergebe / Wie auch der Königinen Gesandten hiebevor bey den Churfürstlichen vnd Hessischen Rethen / vnd der Orator vff dissem Reichstage sich öffentlich vernemen lassen / Das nimmermehr kein ander mittel des friddens soll zu treffen sein / hochernanter Hertzog müste dan vorhin das Landt von Sellen verlassen.

¶

Thun ist offenbar/das sein **J. G.** solichs vermög  
des Heyligen Reichs Ordnung / Abscheid / Frid-  
stende vnd Declaration / Auch allen Rechten vñ  
pülligkeit nach zu thun nit schuldig / vnd des vff-  
gerichten Tractats vnd der beschehener huldung  
halber theins wegs thun kan.

Also das woll zu erachten / Warzu die vnder-  
handlung hette sollen gerathen / insonderheit da  
keine vorsehung beschehen. Wa durch die gürtliche  
handlung nit fruchtbars zu erhalten. das dan die  
sach zum Rechten / oder gebürtlicher austracht  
verfaßt / vñnd hochberurter Hertzog fur gewalde  
verrichtet sein sollen.

Wa nun sein **J. G.** das kriegsvolck darauff fur  
vnd fur vnderhalten / were seiner **J. G.** on hilff sei-  
ner Herren vnd freunde / die dan desfalls algereidt  
verworfen weren. nit möglich vñ hette sich bald  
selbst außkriegē müssen. Oder aber wa das kriegs-  
volck erlaubt vnd von den Burgundischen ange-  
nommen / oder sie sunst gefast / vnd sein **J. G.** vnd  
derselbiger Lande allerding bloiß vnd vnbestalt  
befonden / so wurden sie vngezweinelt woll ange-  
sagt haben / was vertrags seine **J. G.** hette sollen  
annemen.

Vnd souill zu mehr. da seiner **J. G.** vfferlacht /  
als das man der vngezweinelter hoffnung gewe-  
sen / sein **J. G.** wurde sich also erzeigē. damit Key.  
Matest. versach haben möcht. seiner **J. G.** vff fur-  
bitz der Scende gnedig zu sein.

Auß

Auf diesen vnd vielen andern fürthelhafftigen  
gefährlichen clausulen / so vnder die Articell des  
vermeinten Anstands allenthalber vermische / vn-  
gezweinelet gefolgt were / Das die Burgundische  
vnd andere seiner S. G. mißgunstige es dahin het-  
ten dencken vnnnd auflegen wöllen / gleich ob sein  
S. G. Keyserlicher Maieft. vngnad verschuldt / zu  
dem Fürstenthumb Sellen / vnd zu der getrunge-  
ner noit vnd gegenwehr mit besüegt noch berech-  
tigt / oder den krieg wider Key. Maieft. angenom-  
men. Item / das sein S. G. des Heiligen Reichs  
Lantfridden / Ordnung / Abscheide / Fridstende /  
Declaration vnd versicherung / Dergleichen der  
Key. Maieft. obligation vnd verpflichtung so in  
der Königlicher whal zu Franckfurt beschehen /  
vnd vort alles behilffs des Rechten sich begeben  
vnd darauff verzegen hette / Also das sein S. G.  
sich künfftig mit mehe künfte rechtmessig verant-  
worten.

Zudem ist der Königinnen vnd Key. Maieft.  
dienern vñ Commissarien zugelassen / das sie rest-  
lich vnd fridlich / sonder eynige inrede oder verhin-  
derung / es sey richtig oder vnrichtig / besitzen sol-  
ten / wes sie hiltten oder brauchte im krieg erobert /  
Aber hinwiderumb wes hochgedachter Herzog  
inhat / erobert / oder auch von dem seinen recupe-  
rirt / ist mit vermeldet / villweniger versorgt / das es  
sein S. G. gleicher gestalt besitzen oder behaltens  
solte / vnnnd darzu mit versehen / das der vermeinter  
Anstandt eynichem theill an seinem Rechten nit  
soll hinderlich sein / Also das nit allein seiner S. G.  
dersel-

derselbiger Franwen Mutter / vñnd den iren die  
Stette heuser vñ güter / der sie widder des Reichs  
Recht vñ Landfridden vergweltigt / sampt al-  
ler ansprach vñ Rechtsforderung abgesnitten/  
sonder möcht auch verstanden werden / das den  
Burgundischen rechtmessiger besitz derselbiger  
bekandt / vñnd fürbehalten worden were / iren scha-  
den oder entwerte güter mit Recht oder sunst zu  
forderen.

Wie dan auch nit versorgt / das hochgemeltes  
Herzogen vnderthanen vñnd helffer ire güter die  
zu der taffeln gelacht / oder sunst fürenthaltenn/  
widerumb haben vñnd gebrauchen / Oder von des  
wegen das sich in dissem Krieg zugetragen / frey  
vñnd vnbeuert sein solten.

Gleicher weiß / Dieweill in dem vermeinten An-  
stande der titell beider Fürstenthumb Göllich vñnd  
Gellern hochgedachtem Herzogen abgesnitten /  
vñnd den Burgundischen zugelassen / den Anstätt  
zu Cleue oder Dusseldorff / als in den Fürstenthü-  
ben Cleue vñnd Berg gelegen / vffzukündigen /  
Vñnd aber Göllich seiner S. G. erster vñnd fürnem-  
ster Titell ist / so hette der on nachteill nit außge-  
lassen können werden / insonderheit da die Burgū-  
dischen dem Hern von Coney als irem Stathal-  
ter des Fürstenthumbs Göllich achten vñnd schrei-  
ben / wie dan auch Keyf. Maie. sich selbst den Ti-  
tell des Fürstenthumbs Gellern zugibt. Wa-  
nun von hochernantem Herzogē bewilligt were /  
das die Burgundischē als rechtmessig on wider-  
b reds

rede besitzten solten / wes sie brauchen / so künnte es  
auch dafür gehalten werden / das inen beide Ti-  
tell bestetigt. vnd seiner F. G. abgezogen weren.

Über solichs alles hette sein F. G. mit allein was  
vorberurt verlassen / sonder auch den Burgundi-  
schen vbergeben sollen die Stat Sittart mit alle  
zubehoer / als für ein vnderpfandt vnd Gifell des  
Anstands. Wie vnwillig vnd hochverleztlich  
aber solichs seiner F. G. gewesen / kan ein jder auß  
dem bedencfen / das die Burgundischen seiner F.  
G. wissens nye keine ansprach oder forderung zu  
Sittart gehadt.

Das hochgedachter Herzog die von Sittart  
als seine treuwe vnderthanen die von den Burgū  
dichen so vbell gehalten / vñ vill vmb seiner F. G.  
willen gelitten haben / ehren vnd pflichten halber  
nit verlassen / noch on ire verwilligung de Burgun-  
dichen vbergeben mogen / insonderheit dweill sie  
vffs aller vnderthenigst dafür gebetten / suppli-  
cirt / vnd sein F. G. des Tractats vñ der huldung  
zum höchsten erinnert.

So weiß man auch woll wes seiner F. G. vnd  
derselbiger Landtschafften an Sittart gelegen /  
diweill es ein vortpaell des Landes Gulich / vnd  
des Obervirtheils Gellern ist. Also wa die Burgū  
dichen Sittart vnd Heinsberg in hetten / das kei-  
ne vestungen des Orts weren / die jem gewalt wid  
verstecken / oder verhinderen künnten / daneben bis in  
das

das Landt von Cleue / oder hieoben bis vff den  
Rhein.

Vnd wan gleich die pillige vsachen vnnnd be-  
swernussen mit furhanden / so were doch hochge-  
dachte[m] Herzogen keins wegs ehänlich Sittart  
als ein vnderpfandt oder Gissell des Anstands zu  
vbergeben / Nachdem die Burgundischen seiner  
F. G. in der handlung der Churfürstlichen vnnnd  
hessischen Rette mit vnpilligkeit zmmessen willē  
vnd schrifflich von sich gegeben / das sie mit seiner  
F. G. brieff vnd siegell nit gesettigt / sonder vnder  
pfande haben wolten / dweill sein F. G. hiebenor  
widder seine ehr / vnd seiner F. G. eltern brieff vñ  
siegel gehandelt hette / vnnnd darumb on vnder-  
pfende nit mehr zu glauben sein solt. Wan nūn  
sein F. G. inen darauff Sittart vbergebe / so be-  
kēdte sein F. G. vber sich selbst / das durch gnaid  
Gottes mit wairheit nymmermehr sich befinden  
wirdet.

Das aber gesagt wan die Burgundischen den  
furgestalten anstandt nit lenger halten wolten /  
das sie alsdan xv. tag zuorn Sittart widerumb  
inantworten solten / solichs ist inen nit zu glauben /  
dan dieweill sie im vergange jair widder des hey-  
ligen Reichs Lanftrude / Abscheide / Gndstende /  
Declaration vnd versicherung / vnd widder Key.  
Majest. obligation vnnnd verpflichtung hochge-  
dachten Herzogen da sein F. G. sich keiner geser-  
ligkeit besorgt / vnabgesagt vberfallen / vñ des et-  
liche erdichte beschuldigung furbringen wollen /  
die sich in der wairheit nit befonden / noch befinde  
b ij werden /

werden/ Vnd breill sie widber ire zusage vnd ge-  
ding so in dem vffgebē bethedingt/ benolhen ha-  
ben die Stat Gūlich außzubrennē/ so were bey inē  
nit selzam gewesen/ das sie vsachen gesucht/ vnd  
einen schein hetten angegeben/ derhalbē das wid-  
derstellen vnderlassen/ Auch sunst nit gehort/ das  
denen damit man kriegen woll/ soliche vestungen  
zugestalt/ insonderheit daran sowiell gelegen.

Weiter/ Als in dem vermeinten Anstande vor-  
meldet/ das hochgedachter Hertzog keinen wid-  
derwertigen/ die Keyf. Maie. nūn hette/ oder kry-  
gen möchte/ wie die auch werē/ weder richtig oder  
vnrichtig/ einige hilff oder fürderung thun/ Auch  
dem fürkommen vñ verhindernen solte/ das seiner  
S. G. vnderthanen denselbigen keinen zustandt o-  
der dienst theten/ es sey mit leib oder gūt/ eynicher  
gestalt/ Vnd welche dargegen handelten/ an leib  
vnd gūt straffen. So than ein jder leichtlich be-  
dencken/ wie vnleidlich vnd vnmöglich solichs zu  
vollenziehen gewesen/ so woll seiner S. G. gema-  
hels/ als seiner Herren/ freundt/ helffer vnd vnder-  
thanen halber/ Nachdem die Burgundischen nit  
allein alle die in Franckreich sein/ vñnd die Franck-  
reich gedient haben/ sonder auch andere mehe die  
hochbestimpter Hertzog nit alle künce wissen für  
Keyf. Maie. widberwertigen möchten achten/  
dieweil das wort (*inimicus*) so woll von den heim-  
lichen als den offentlichen than verstanden wer-  
den/ vnd darzu gestalt/ so woll von den künfftigē/  
als gegenwertigen.

Uebem:

Neben dem das sein **F. G.** nit alles wissen noch  
weren künfte, was seiner **F. G.** vnderthanen thun  
oder furnemen möchten / wie es dan auch on das  
seiner **F. G.** nit möglich sie dermassen zu zwingen/  
Also das sein **F. G.** den anstadt theins wegs het-  
te können halten / vnd dardurch in groisse beswer-  
nuß vnd geferligkeit / oder in widerwertigkeit mit  
den seinen kommen müssen. Sonill zu mehe / dweill  
die Burgundischen auch für de krieg keinen vleiß  
noch gut gesparr vnuerstandt vnd widerwertig-  
keit in seiner **F. G.** Landen anzurichten.

Wiewoll nun etliche der beswernuß mit pilli-  
gen verstande vnd grund zu obgemelter geferlig-  
keit mit hetten sollen gezogen werden / so ist doch  
der mherer theill so klair vnd offenbair / das dar-  
gegen nichts fürzuwenden.

Vnnd nachdem die Burgundischen wie obge-  
melt / gehandelt. vñ hiebevor all hochbernemptes  
Herzogen thun vnd furnemen zu verkeren / vnnd  
wes sich in den vorzigen vnderhandlungen zugetra-  
gen / zu irem vorthell vnd geferlicher weiß aufzu-  
legen sich am höchsten beflissen. da sie weder wort  
noch that gehadt. die mit erbarigkeit zu dem für-  
haben dienen mögen. Sonill zu mehe / dan izo der  
fürsorg von noeten / da sie den buchstaben zu irem  
verstand vnd vorthell deuthen können.

Der gestalt / Wa hochgemelter Herzog in die  
handlung bewilligt / vnd derselbiger nachzukom-  
b ij mem

men sich vorpflichtet / so würden die Burgundi-  
schen vngeweinet zu dringen mit vnderlassen ha-  
ben / das in summa hochgedachter Hertzog hette  
müssen:

Widder sein gewissen / ehe vñ pflicht handeln.

Geloben das vnbillig / vnd nit zu halten.

Seine eheliche gemahel verlassen.

Seine Herren / freunde vñ verwandten / die sei-  
ner S. G. in den nöten geholffen vñ gerathen / mit  
vndanckbarkeit verwerffen vñ zuwidder machen.

Die vnderthanen vñd andere die sein S. G. in  
der höchsten besweruñß widerumb angenommen /  
vnd bey Land vñd Leuthen erhalten helffen /  
an leib vnd leben straffen.

Land vñd Leuth in zweidracht / vffzur vnd  
widder wertigkeit stellen.

Sich selbst in seinen pilligen sachenn vnrecht  
geben.

Bekennen des schuldig zu sein / das die widder  
wertigen mit vnbilligkeit vñ vnwarheit seiner S.  
G. zumessen.

Den Burgundischen verlassen vnd vbergeben  
dazu sien nye keine forderung gehabt.

Nit allein vff seiner S. G. sonder vff anderer  
güter

güter vnd gerechtigkeit verzeihen/ on jr fürwif  
sen vnd willen.

Auß des Reichs Ordnung vnd gerechtigkeit  
treden.

Sich der natürlicher idermenniglichem erlaub  
ter gegenweh: / sambt aller hilff vnd beistandes  
begeben.

Vnd von denen gnaid erwarten/ die seine **S. G.**  
zur vnschuld bey Keyf. Maieft. betragen/ einge  
bildet vñ verbittert haben/ vñ die seine **S. G.** vmb  
Land vnd Leut/ vmb ehr vnd glimpff/ vñ zu ent  
lichem verderben gern bringen wolten.

Vnd wan nun solichs alles geschehen / so hette  
doch sein **S. G.** dargegen nit mehe erlangt / dann  
müssen thun vñ vbergeben / wes dem gegentheill  
wolgefellig / Oder aber gewertig sein / das der An  
standt vffgekündigt / vnd darnach vber xv. tag  
sein **S. G.** widerumb vberleitet / vnd vort von Land  
vnd Leuthen verjagt worden were.

Auß disen vñ andern trefflichen vrsachen / hat  
ein jeder erbares verstands woll zu bedencken / wie  
hochernanter Herzog den Anstandt annehmen /  
Oder seiner **S. G.** Lantschafften darzu rathen o  
der willigen können.

**Zum dritten /** Hat man mit keinen redē hoch  
bestimptē Herzogē anzumotē  
obge.

obgemelte besweruß vnd gefelrigkeit vff sich zu  
nemen/sonder die Burgundischen pillig den krieg  
sullen abstellen/ vnd die sach mit gepürlichem rech  
ten erörteren lassen/Nachdem öffentlich am tag/  
vñ gnugsam than dargethan vñ bewesen werde.

Das sie den krieg mitwilliger weiß widder sein  
S. G. angefangen/ vnd schier das ganze Fürsten  
thumb Glich/darzu sie nye keine forderung ge  
hadt vnuersehens vnd vnabgesagt mit raub mort  
vnd brandt veruueffet/ verdorben vnde ingenom  
men/ehe sein S. G. hat können vff sein/oder sich zu  
der gegenwoher stellen.

Vnd ob gleich die Burgundischen dargegen  
sagen/vñ seiner S. G. zumessen woltē/Als das sein  
S. G. sulce widder den Landtsridden gehandelt/  
den zug in Brabant mit rath vnd that gefurdert/  
vngepürliche verbündenuß wider Keyf. Maieft.  
vnd das Reich/ mit frembden potentaten vffge  
richt/Röm. W. von Franckreich zu dem krieg wid  
der Keyf. Maieft. gereizt/vñd sunst sich mit ge  
halten haben/das sein S. G. des Heiligen Reichs  
Landtsridden vñ anders hette zu genießen/ So ist  
doch solichs alles erdicht/ jr thetlichs furhabē zu  
verbloemen/vñ nit bewesen/villweniger wie sich  
nach des Heiligen Reichs Recht vnd Ordnung  
gebürt/auffundig gemacht/ vnd than der noch  
keins mit wahrheit beygebracht werden/Wie sich  
dan sein S. G. des vñ aller aufflage vñ forderung  
zu verhoer/zugepürlichem Rechten/oder zu des  
Heili

Heiligen Reichs erkantnuß für vnd für erbotten/  
welcher doch die Burgundischen nyekains ange-  
nommen / sonder widder des Heiligen Reichs  
Lantfridden/gulden bull/ordnung/abscheid vnd  
fridstende gehandelt / so die außtrücklich vermel-  
den auch alle Recht vñ pilligkeit vermögen/ das  
niemantz den andern bekriegē/ vberziehen oder be-  
schedigenn soll / sonder ein jeder mit gepürlichem  
Rechten gesetztigt sein.

Zudem/ das auch Churfürsten / Fürsten vñnd  
Stende des Reichs zu Speir erkletert vnd hochge-  
melten Herzogen versichert haben/ das mit allein  
die glieder des Reichs / sonder auch Keyserliche  
vnd Königliche Maieest. mit allen iren Erblande  
in den Fridstande bebedinge vnd begriffen/ Vnd  
nachdem sein S. G. ein Fürst vñ mitgliedt des Hei-  
ligen Reichs so were sein S. G. mit weniger dann  
andere mit allen iren Fürstenthüben Landen vnd  
Leuthen so ire S. G. gehabt vnd besessen auch da-  
mit vnd darunder begriffen vñ verstanden/ souern  
dieselbige ordentlich Recht leyden wolten vñnd  
mochten/ Also das sein S. G. wol versichert vñnd  
deshalben von niemantz eynigs gewalts oder v-  
berzugs sich besorgen dürffte. Dweill nün sein  
S. G. dem hochwürdigsten Churfürsten Erzbi-  
schoffen zu Meintz/ als des Reichs Teutscher na-  
tion Erzcanzlern/ solichs alsbald zugeschrieben/  
vermög der schrifft mit D. vnd auch darauff seine  
Reuther vñnd knecht mit sweerem costen in des  
Reichs dienst widder den Türcken geschickt/ vnd  
c sich

sich der Burgundischen vberfals Rheins wegs ver-  
sehen/ So solte ehe pillig vermög obgerurter Ord-  
nungen/ Abscheide/ Fridstende vnd Declaration/  
mit Recht vnd nit mit solicher vnchristlicher ge-  
walde gehandelt sein worden.

Vnd souiell zu mehe/ Dierweill nach der zeit dz  
der zug in Brabant in dem monat Junio/ des zwey  
vnd vierzigsten jars geschehen/ die Königin sein  
S. G. desselbigen verdecktig beschuldigt vnd auß  
gebreyde/ vnd aber sein S. G. sich vff dem nechst-  
folgende Reichstage zu Nürtemberg verantwort/  
auch insfall der notturfft ferner zu verantworte/  
vnd alles was sich gebürt/ oder seiner S. G. mit  
Recht vfferlacht würde/ zu thunerbottē/ also das  
der voriger Fridstandt widerumb vernewet/ dar  
innē sein S. G. mit begriffen/ auch seine Kethe auß  
erücklich von seiner S. G. wegen in den Abscheide  
gesetzt vnd benent worden/ Aber die Burgundi-  
schen haben mehe angesehen jr vorthell vnd die ge-  
legenheit. das sie hochberuempren Hertzogen vn-  
gefasst/ vnd seine Statte vñ Schloß vnbesetzt be-  
fonden/ den alle vorbestimpte Ordnungen/ Frid-  
stende vnd walstat des Reichs.

Vnd wiewoll jnen von Keyf. Maiest. vnd des  
Reichs Camergericht gebottē/ bey peen des Lät  
friddens/ das sie von der gewaltsamer fridbrüchi-  
ger handlung absteen/ vnd hochbestimpten Her-  
zogen bey ordentlichē Rechten solten bleibē las-  
sen/ So habē sie doch zu verachtung des Reichs  
den.

den Camerbotten gefangen/die Mandata genß  
men/vnd verhindert das die mit weiter haben ver-  
kündigt mögen werden/vnd ungeacht das sie  
folgenz in die peen erkandt/mutwilliglich vort-  
gefahren.

Wes auch sunst die Burgundischem vff des  
Reichs Recht vnd freyheit achten/ist neben vie-  
len andern mit denen vß Mastricht gnügßam am  
tag. Dan sie nit allein die Echter verthedingen/  
vnd die Stat vom Reich gedrongen/sonder auch  
hochernantem Herzogen/vñ seiner f. G. Landen  
den vnwidderbringliche schaden darauff gethan.

¶ Nun ist woll zu ersehen mit was vngrund die  
Burgundischen ire thetliche fridbrüchige hand-  
lung vndersteen zu bedecken.

Es künnte hochgedachter Herzog woll dar-  
thun vñ beweisen/das die Burgundischen lange  
zeit für obgemeltem zug in Triabande (des doch  
sein f. G. nit zu thun hat) gegen sein f. G. widder  
den Lantfridden gehandelt. Als nemlich das sie  
mit gewalt/on erkantnuß des Rechten/sein f. G.  
irer Schloß/Stette/Lande/Herligkeit/güter vñ  
reuwigiger possession entsätzt/vñ nach andern sei-  
nen Fürstendommen vnd Stetten gestanden die  
zu verassen mit erkauften practiken/vñ mit ge-  
walde einzunemen. Auch vffzur/zweitracht vnd  
widderwertigkeit gegen sein f. G. zu erwecken.  
Dieweill aber differ jßiger geweltlicher fridbruch  
der Burgundischen so öffentlich am tag, vnd sein

c ij      f. G.

**F. G.** aller vfflage vnschuldig/ vñ sich mit der gna-  
den Gottes woll weiß zu verantworten/ ist das  
vorige nit nödig weiters darzuthun / wie insfall  
der notturfft wol beschehen künfte.

Zudem das die Burgundischē seiner **F. G.** kauff  
vnd gewerbsleuth/ die sie selbst bewegt jnen fruch-  
te vñ andere notturfft vff guten glauben zu brin-  
gen/ vnabgesagter vñ vngewarnet gefan-  
gen/ geschazt/ vnd das ire genommen/ vnd darzu  
verbotten seiner **F. G.** Landen vñ leuthen nichts  
zuzu soeren/ Also das sie streum vnd straißen ge-  
schlossen/ die narung vnd handtierung mercklich  
verhindert haben/ zu groissem nachtheil des gemei-  
nen nutz.

Doch nit zu weniger/ vnd aller obgemelter vn-  
pilliger beswerungen/ so seiner **F. G.** vnd den jren  
von den Burgundischen begegnet/ vnangesehen/  
So hat sein **F. G.** sich zu mehe zeitten erbotten/  
de krieg seines theils abzustellē/ souern es die Bur-  
gundischen gleichß fals thun/ sein **F. G.** für gewale  
versichern/ vñ die sachen zu gütllicher handlung/  
zu oidentlichem Rechten / oder zu erkandnuß der  
Churfürsten / Fürsten vñ Stende des Reichs  
wolten kommen lassen.

Vnd wa solichs nit gungsam/ das dannoch sein  
**F. G.** sich zum oberfluß wolt erbotten habē/ alles  
was Churfürsten/ Fürsten vñ Stende des Reichs  
vff dem lestgehaltenem Reichstage zu Nüren-  
berg erkennenn/ oder seiner **F. G.** weiter vfflegen  
wurden.

würden, das sein F. G. zu abstellung des kriegs zu  
thun schuldig, das sein F. G. sich darinnen gutwül  
lig vñ gehorsam erzeigen wolt, als auß der schrifft  
mit L. zu ersehen, Wie dan sein F. G. auch gewil  
ligt, mitler weill den Rheinstraum seiner F. G.  
theils zu offnen, den Kauffman allenthalber frey  
vff gewonlichem zoll passieren, vñnd die narung  
vñ handtierung vnnerhindert gebrauch zu las  
sen, sonern solichs gleichs fals seiner F. G. vnder  
thanē auch zugelassen würd, damit ehe der krieg/  
raub, mort, brandt, frauwen vñnd jung frauwen  
schenden, verwuestung der fruchtē, beswerung der  
armer leuth, betruebung beyder seids vnderthanē,  
vñnd andere Gorlastierungen vñnd mutwillige häd  
lungen so sich leider in dem krieg zugetragen, vñnd  
darauß erwachsen, seiner F. G. halber mit verur  
sacht, noch vffgehalten, Auch die narungen vñnd  
handtierungen mit verhindert wurden.

Dieweill aber die Burgundischen solichs fur  
vñnd fur abgeschlagen, keinen fridden geben, vñnd  
noch darauff verharren, das sie lieber allen obge  
melten vnraith anrichtē, dan cynige redliche wege  
vñnd mittell des friddens oder anstands annemen  
wollen, So solten ehe die Teutschen einmaill die  
augen vffthun, vñnd mit allein acht haben vff die  
beswernussen so auß disem krieg erwachsen, sonder  
auch von welchem theil der krieg angefangen vñnd  
vffgehalten, vñnd was die Burgundischen damit  
suechen vñnd furhaben, das sie vnangesehenn der  
groisser geferligkeit vñnd zertrennung Teutscher

c iij nation/

Nation/ vnd des Türcken erschrecklichen fürnemens widder die Chriſtlicheit/ nur allein darnach erachten/ den jungen vnſchuldigen negſtgeſſen Fürſtē/ der ſie nye beleidigt/ ſonder friddē/ verhoer vnd Recht begert/ vnd des ſureltern vñ vnderthanen dem hauß Burgundien ſouiel treuwer vnd nütlicher dienſt vñ freundschaftt erzeigt/ zu verreiben/ vnd ſeine Lande vnd Leuth zu verderben.

Wiewoll nun diſſes alles ſo klair am tag iſt/ das niemandt daran zweiueln ſoll/ ſo wiſſen danoch die Burgundiſchen ire dinge dermaſſen zu ferben/ vnd einzubilden/ auch etliche zu verblindē vñ zu bezaubern/ das der ſchein mehe dan Recht vnd wahrheit gelden muß/ Dan ſie geben für/ der Herzog hab ſich in Franckreich verheirat vñ verbonden/ vñ wa man fridden haben wolt/ ſo müeſte ſein *J. G.* erſtlich Franckreich verlaſſen. Item/ dz ſein *J. G.* ſich truzig erzeigte/ vnd zu Recht thete erbietē/ gleich ob Keyſ. *Maieſt.* ſein gleich were/ Vnd das ſein *J. G.* ſich demütigen/ vnd zum creutz kruyffen moeſte etc.

Es vermirekt aber nit ein jeder/ was diſes angeben vff ſich hatt.

Dan erſtlich were frembt zu hoeren/ das ſich niemandt verheiraten ſolte on bewilligung der Burgundiſchen/ oder da es jnen künfftig mißfallen möcht/ wie ſich auch niemandt der eynigung ſo der Herzog vffgericht/ mit billigkeit zu beſwerē/  
Nach-

Nachdem mit wairheit sich nit befinden wirdet/  
das sein S. G. innige eynigung vffgericht/ die sei-  
ner S. G. verweisslich/ oder anders dan zu der gegē  
woher/ doch mit vorbehaltung des Heiligen Römi-  
schen Reichs gebür oder gerechtigkeit. Vnd dar-  
zu beyde/ der heirath vñ die eynigung bethedingt  
zu der zeit als sich die Burgundischen am meisten  
beruemtten/ das Keyf. Ma. vnd König. W. von  
Francreich gar einig weren/ vnd sich als gebue-  
der achten vñ schreiben. Es ist auch kein Chur-  
fürstlich oder Fürstlich hauß im Reich/ das sich  
nit etwan mit außwendigen vnuer weisslich ver-  
heirath vnd vereinigt hab.

Was nun an im selbst nit vnrecht/ auch alle an-  
dern erlaubt/ so were woll zu verwunderen/ warüb  
man solichs dem frömen jungen Fürsten als vbel  
gethan. zumessen oder widder sein eh: vnd gewis-  
sen dauon dringen wolt/ wa es bey den Burgun-  
disschen die meynung nit hette/ das sie mit seiner  
S. G. wan die aller hilff vñ zustands entbloest/ irē  
mut. will souiell zubesser vollenbringen möchten.

Das sich aber hochgedachter Hertzog trutzig/  
oder als ob Keyf. Maiest. sein gleich sey/ gehalten  
hab/ wirdt sich nit befinden. Dan ob wol sein S.  
G. den Burgundischen das Landt von Gelbern  
vnd anders das sie gern hetten/ vnerhoitē vñ vn-  
erkandter sachen nit vbergeben/ vñnd sich zu der  
natürlicher gegenwoher souiell möglich gestalt/  
vnd nit gern von Landen vnd Leuthen hat willē  
vertragen.

verjagen lassen/ so kan doch solichs nit fur trunzig  
geacht werden/ villweniger das sein **S. G.** sich zu  
gütlichem verhoer vñ handlung/ oder aber zu or-  
dentlichem Rechten erbotet/ Nachdem sein **S. G.**  
nit besprochen oder vberzogen ist von wegē Key.  
Majest. vñnd des Reichs/ sonder von wegen des  
Herzogthums Brabant. Nun ist ehe Bra-  
bant so woll ein Fürstenthumb des Reichs/ als  
Gulich oder Gelre/ der vsachē die Burgundischē  
sich auch mit des Heiligen Reichs Recht pillig  
hettē sollen bewegen lassen/ iren groiffen reich-  
tumb vñnd gewalbt widder den Türcken/ vñnd an-  
dere ire widderwertige gebrauchē/ vñnd Teutsche  
Nation nit in solche vnrow/ vñ ire gute nachbar  
in verderben bringen/ Vñnd ob woll ein Fürst oder  
ander Standt des Reichs sich gegen Keyf. Ma.  
da die imandt widder Recht vber fallen würd/ zu  
des Reichs erkādēnufftete erbietē/ so were doch  
solichs kein truz/ sonder hohe noitturfft/ vñ solte  
pillig nit zu vngutem verstanden werdē/ Dan wie  
groiffen die Herren seindt/ ehe mehe sie fur dē Her-  
ren aller Herren schuldig recht zu thun/ vñ niemāt  
daruber besweeren zu lassen/ Wie dan Keyf. Ma.  
sich in der König. whal zu Franckfurt gegen dem  
Reich bey iren Königlichen ehren/ wurden vñnd  
worten/ in namen der wairheit vñ sunst am höch-  
sten verpflichtet/ das ire Majestat soll vñnd woll seind  
den/ eynigkeit vñnd Recht im Heiligen Reich  
pflanzen vffrichten vñnd vorsehen/ das die iren  
gebürlichen gancf/ dem armen als dem reichen ge-  
winnen/ haben vñnd gehalten werden. Item. wo  
ire

ire Maiestat mit eynigē Churfursten / Fürsten oder  
Stande des Reichs zu sprechen hette / oder eynige  
forderung surnemen wurde. Dasselbig sambt vnn  
sonder zu verhoer vnd gebürlichem Rechten zu stel-  
len vnd kommē zu lassen etc. Wie dan auch ire Ma-  
iestat die gulden Bull. Lantfridden / vñ andere des  
Heyligen Reichs Ordnungen vnd gesetz confirmirt.

Demnach hochgedachter Herzog in hoffnung  
gestanden vnd noch pillig thun vnd ansuechen soll/  
damit seiner S. G. weder faren mög das ihenig so nit  
allein gebürlich vnd des Key. Ma. sich so hoch ver-  
pflichtet sonder auch das ein jeder Churfurst / Fürst  
vnd Oberigkeit des Reichs dem geringsten in seine  
gebiete thun soll vnnnd muß. Nemlich das man nie-  
mande / der sich zu verhoer vnd Recht berueffe / vñ  
dem nachzukommen willig ist. nit fall besweere noch  
vberfallen. biß zu erkändnuß. Nun were ehe erbarm-  
lich das hochgemeltem Herzogē solichs nit wider  
faren möcht vñ das dannoch der vnglimpff vff sein  
S. G. solte geschoben werden.

Sonuell das demutigen belangt / kan nit gesage  
werden das sein S. G. anders geneigt / dan sich gegē  
Key. Maieft. in aller gepürlicher vnderthenigkeit  
vnd gehorsam zu erzeigen / Souern seiner S. G. die  
gewalt abgeschafft vnd was Recht vñ billig we-  
der faren. Aber da man der gestalt gehandelt vnn  
keinem fridden noch Rechten stat geben will / were  
gefelerlich der gnaden on eynige versicherung zu ge-  
warten.

o

Das

Das auch sein **S. G.** sich für vnd für zu Recht vñ  
aller pilligkeit erbotten/ wie obgerurt/ vñ sunst den  
fridden am höchsten begert vnd gebetten hab/ vnd  
noch ist allen denen so in der sachen gehandelt/ oder  
seiner **S. G.** gemuet erfahren haben/ doch furnemlich  
dem Almechtigen bekät/ welcher durch seine barm-  
herzigkeit gnad/ fridden vñ eindracht verlihen wöll/  
damit dem Erbveiantd Christliches namens vñnd  
glaubēs dem Türckē des zu statlicher widerstande  
gethan/ vnd alles wes zu lob/ ehr vñnd preiß seines  
heiligen namens / zu vffrichtung gūtes regi-  
ments/ vnd zu vnser aller seligkeit dien-  
lich/ gesfurdert werden mög.

Schriſt des Herzogen an Churfür-  
sten/ Fürsten vnd Stende des Reichs vff  
letstgehaltē Reichstage zu  
Nürnberg.

**A**



Uſer freuntlich dienſt vñ was wir liebs  
vnd gūts vermügen zunom/ Hochwürdi-  
gen/ Hochgebornen/ Erwürdigen/ würdi-  
gen/ Wolgebornen/ Erſamen/ Hochgeler-  
ten vnd erbaren/ freuntliche liebe Herren/ Oheimen/  
Swägere/ freunde/ Vetteren/ Neuen vñ beſondere/  
Wir ſtellen in keinen zweinell/ Ewer Liebden vñ jr  
ſeien von vnſern Rechen vñ Geſandten/ ſo wir auff  
gegenwertigem Reichstag zu Nürnberg veror-  
dent/ vñ ſunſt gnugsam berichte/ welcher geſtalt die  
Burgun.

Burgundischen wider des Heyligen Reichs auff-  
gerichte Landfridden/Ordnung/Abscheid vñ Frid  
stende/widder E. L. vñ euwer vns gegebene De-  
claration vñ versicherung / auch widder Recht vñ  
alle pilligkeit vns vñ die vnser vnuerschuldt vñnd  
vnabgesagt im negst vergangen herbst/ da wir vns  
vff E. L. vñ euwere Declaration vñ versicherung  
vertroestet vñ darauff dem Reich vnser hilff ge-  
gen den Türcken trewlich vñ gutwillich geleist ha-  
ben/ vberzogen mit raub/ mozt/ brand vñ sunst ellē-  
dig beschedit/ vñ bisanher darinnen verharret vn-  
angesehen das wir vns nit allein zu verhoer/ pilligē  
vertrag frid vñ eintracht/ sonder auch zu des Heili-  
gen Reichs ordentlichem vñ gepärlichem Rechte/  
Oder aber zu E. L. vñ euwer enlicher erkandnuß für  
vñ für erbotten/ So mögen E. L. vñ euch wir auch  
nit verhalten das vorbenante Burgundischen in der  
negst vergangen Carwochen mit heeres crafft vñ  
munition/ groisser dan vorehe beschehen/ widerumb  
in vnser Fürstenthumb Gällich gezogen/ vñ darne-  
ben mehe dan an einem ende in rustög gewesen/ an-  
dere vnser Fürstenthumme vñ Lande auch zu vber-  
fallen/ vñnd wa es durch sonderliche gnaid des Al-  
mechtigen nit gezuçt vñ verhindert worden/ diesel-  
bige gar zu verwuesten vñ zu verderben / nit allein  
vns vñnd den vnsern zu höchster beswernuß / sonder  
auch dem Heyligen Reich zu mercklichē nachtheill/  
inbruch vñ verkleinerung/ wie wir dan vnsern Re-  
then vñ Gesandten/ E. L. vñ euch von dem allem  
weither anzeigung zu thun beneh gegeben/ vñ wir  
herten nach gestalt der sachen/ vñ in ansehung des

Heyligen Reichs freihait / Recht vnd herkommen /  
vnd vnfers vberfluessigen / rechtmessigen / erbaren er-  
bietens gar nit vermotet / das wir von E. L. euch / vñ  
andern Churfürstern / Fürsten vñnd Stenden des  
Reichs so lange verlassen sein soltē / Aber gleichwol  
haben wir vns in solicher hochster noit vnd gefelrig-  
keit nye anders erzeigt / dan wie einem gehorsamen /  
eh: vnd fridliebenden Fürsten des Heyligen Reichs  
gebürt / wie wir des auch noch begirig vñnd gneige  
sein. Nun haben E. L. vñnd jr / auch menniglich  
woll zu erachten / das vns vnd den vnfern vntreglich  
sein würde / in dissfer gefelrigkeit vñnd beswernuß zu  
verpleiben / vnd täglichs weiter zu gewarten / so kön-  
nen vñnd mögen wir demnach aus vnuermeidlicher  
notturfft nit lenger vmbgeen / sonder wollen E. L.  
vnd euch hiemit freundlich ersucht / vñnd bey den  
pflichten / damit E. L. vnd jr dem Heiligen Röm-  
ischen Reich / vñ vns als einem gehorsamen glied des-  
selbigen / in disem fall mit zugethan vñnd vorwande-  
t syet / gebetten vnd ermant haben / E. L. vnd jr wölle  
zu handhabung irer selbst reputation / Declaration  
vnd versicherung / Auch der Teutscher Nation frei-  
heit vnd gerechtigkeit / bey vilgedachten Burgun-  
dischen vnd iren zustendern das vnchristlich vñ vn-  
rechtmessig thetlich furhaben / abschaffen / dahin  
fordern vnd weisen / das sie des Heyligen Reichs  
gerechtigkeit vnd freihait stat geben / vnd nach ord-  
nung desselbigē sich mit gepürlichem Rechten set-  
tigen lassen. Wa aber solichs bey jnen ehe nit  
künfte erhalten werden / welchs wir vns doch in er-  
wegung Keyf. Maiestat sonderlicher obligation in  
der

der Königlichher wihal zu Franckfurt beschehen dar  
zu des Reichs abscheide vnd Fridstende/ auch aller  
Rechten vnd pilligkeit mit versehen/ das L. L. vnd  
jr vns vnd die vnserer für gewaltdt schützen/ redder/  
vñ gemeine hilff des heiligen Reichs zu erkennen/  
auch freuntlich vnd gutwillig leisten/ damit wir nit  
genoitdrenge/ vff alle andere wege vñ mittel zu tra-  
chten/ die vns vnd den vnseren zu der natürlicher red-  
dung vnd gegenwoher dienlich sein möchten. Vñnd  
wiewol wir in betrachtung der pilligkeit/ vnser not-  
turfft vnd der gelegenheit nach/ in der gantzlicher  
vertroistung vnd zuuersicht sein/ L. L. vnd jr werde  
vns vnd die vnserer dermassen nit verlassen/ so bitten  
wir doch ein furderliche zuuerliessige antwort. So-  
lichs vmb L. L. vnd euch sein wir in allwege freunt-  
lich vnd der gebur zuuerdienen vñnd zu verschulden  
gneygt. Geben in vnser Stat Kuremunde am viij.  
tag Aprilis Anno etc. xliij.

Wilhelm Herzog zu Gulich/  
Gekre / Cleue vñnd Berg etc.

## Schrieffte des verordneten Außschos an den Herzogen zu Gulich etc.

**D**re hlenchtiger/ hochgeborner Fürst vñ  
Herre/ Luuvern Fürstliche gnaden sein  
vnser vnderthenig/ willig vnd geflissen  
dienst alle zeit bereit zuuor/ Gnediger  
Herz. Als L. S. G. Gesandten vnserer besondere liebe  
vnd gutten freund vor gemeinen Stenden des heili-  
gen Reichs vñnd der abwesenden Boeschafften in  
d ij iren

iren werbungen schrifflich vñ mündlich nach lengs  
gehört worden/haben gemeine Stende/vnd der ab  
wesenden Botschafften vns auß irem mittell auß  
geschossen/vnnd beuolhen vff **L. S. G.** Gesandten/  
vñ der Brabandischen Botschafften schrifflich vñ  
mündlich antragen vnd werben guetlich vnderhand  
lung furhandt zu nemen/vñ zu pflegen/ganz getrö  
ster gueter hoffnung vñ zuuersicht/die kriegs vbüg  
so sich zwischen vnserer gnedigsten Frauwen/ Frau  
wen Marien/Königin zu Hungern vñ Beheim etc.  
wittiben als Regentin der Keyf. Maie. vnfers aller  
gnedigsten Herzens Nidern Erbland / vñ **L. S. G.**  
vnd beider theill Landt vnd Leuthen zugetragen/  
Würde dardurch zur guetlicher hinlegung vnd ver  
gleichung/oder docheinem fridlichen Anstandt ge  
bracht werdē/ Derwegen auch gemeine Stende des  
heiligen Reichs sich vber die angeregten schriffliche  
che vñ mündliche werbungē entlich zu entschliessen/  
vnnd dan vff **L. S. G.** schreiben / am dato haltende  
Kuremunde den viij. tag Aprilis/antwort zu geben  
verzogen/ So haben auch wir vnserm beuelh nach/  
guetlich vnderhandlung zu pflegen furgenommen/  
vnd allerley mittell vñ wege furgeslagen/ dardurch  
wir die sachen zu gütllicher vergleichung/oder doch  
einen fridlichen anstandt/ darjn mit besserer gelegen  
heit zu handlē sein möchtē/zu bechaidingē verhofft/  
aber so lange zeit vnuerfenglich vñ vnseuchbarlich  
gearbeitet/das auch miler weill vff vilfeltig ernst  
lich anhalten der Römischer Königl. Maie. vnfers  
aller gnedigsten Herzens/vnnd in ansehung der ho  
hen noth/die der Chriſtenheit/vnnd furnemlich irer  
Maie.

Maieſtat Königreich Hungern / vñd andern an-  
ſtoſſenden Erblanden des Türcken halb vorſteet /  
zu beſchluß des Reichstags / vñd publication des  
Abſcheidtes ſurgeſchritten worden / vñ darauff auch  
ire Königliche Maieſtat vñd der merertheill Sten  
de verittenn / Wir aber haben nicht deſto weniger  
ſurgenommener guetlichen handlung nit abloſſenn  
wöllen / ſonder dieſelben bißhere mit allem getrewen  
guetten vleiſß continuirt / vñd nit kleine hoffnung  
gehabt / die Kriegshandlungen zum wenigſten zu  
fridlichem anſtandt zebetordingen / darinn vnſer  
gnedigſt vñd gnedigen Herren vñd Obern / die  
Churfürſten / Fürſten vñd andere Stende mit deſto  
merern vñd beſſern fügen ſich weiter in der ſachen  
bemühen / vñd nachdem die Kriegsvbung ein we-  
nig geſtilt / deſto fruchtebarer handeln möchtē. Wie  
aber vñd warumb ſolicher Anſtandt nit erhalten /  
ſonder letzlich zerſchlagen / das vñd aller andern  
handlungen geſtalt vñd gelegenheit / werden Zu-  
wer Fürſtliche Gnaden von iren Geſandten die ſie  
ſtärklich alhie gehabt / on zweifell gnediglich verne-  
men / Welche dan an allem irem möglichem vleiſß /  
mit werben / handeln vñd anhalten gar nichts er-  
winden haben laſſen / Vñd wiewoll nun dieſelben  
Zuwer Fürſtlichen Gnaden Geſandten bey vns mit  
guetem vleiſß geſucht vñd begert haben / das wir  
mit vñd neben andern Stenden ſo noch hie wären /  
ire ſchüffelich vñd mündelich werbungen erwegen /  
vñd vff dieſelbigen / inſonderheit aber vff obange-  
regt Zuwer Fürſtlichen Gnaden vns entſchließen /  
vñd mit entlicher antwort vernemen laſſen wöllen /  
jedoch

jedoch haben wir nach eröffnetem Abscheide vñnd  
also volentdem Reichstage da der merertheill der  
St. de verätten/ vns von gemeiner Stende wegen  
zu entschliessen/ vñnd in disser sachen von iren wegen  
E. S. G. zu beantworten mit einlassen Könden/ sonder  
vns gegen E. S. G. Gesandten erbotten/ aller gepfle  
gnen handlungen vnser gnedigst vñ gnedige Herrē  
zu vnser ankunfft zum furderlichstē vñnd vleissigstē  
zu berichten / vngezweiffelter vnderthenigen hoff  
nung / ire Chur vñnd Fürstliche Gnaden werden nit  
vnderlassen noch maln durch sich selbs / oder ire dar  
zu verordente treffentliche Rethē weiter gütlich vñ  
derhandlung furzunemen / vñnd den kriegshandlun  
gen durch guetlichen vertrag der irung gētzlich  
abzuhelffen / oder sie doch durch erlāgung fridlichs  
anstands zestillen / Welchs auch wir vnser besten  
vleiß vñnd vermūgens vndertheniglich zu befurde  
ren vñnd puttig vñnd ganzwillig sein. Das alles wöl  
ten E. S. G. vff derselben Gesandten bitt vñnd an  
halten / zu vnderthenigem bericht der sachen fur vn  
sere personenn ganz vndertheniger gūter wolmey  
nung vnangezeigt nit lassen / E. S. G. vns damit vñ  
dertheniglich beuelhende. Datum Turmberg Don  
nerstags nach Cantate / Anno etc. xliij.

Der Churfursten Rethē / Fürsten  
vñnd gemeiner Stende verorden  
ter Aufschus.

Ander



zustellen / Wan nun aber vff ire vleissig suchen / vnd  
vnser vielfaltig muheselig vnderhädlong / differ zeit  
nit weither noch anders erhalten werden mögen /  
dan wie **L. S. G.** auß obberurtem Anstande befin-  
den / So haben wir sie doch letstlich / den sachen zu  
befürderung vnd guttem / dahin bewegt vnnnd ver-  
mocht / das sie von euwer **S. G.** wegen sollichen an-  
stande bewilliget vnd angenommen / ganz vnderthe-  
niger getruwer wolmeynong / vnd trostlicher zuver-  
sicht / vnser gnedigst vnnnd gnedige Herzen werden  
vnuerzuglich zu der Keyf. Maiestat. schicken / vnnnd in  
disssem wherenden anstande zum treuwlichsten wer-  
ben handelen / vñ verhoffentlich erlangen lassen / das  
die obberurte Kriegs handlongē gantzlich abgestelt /  
vnd die jrungen in der gueligkeit hingeleget werden  
mögen / in massen dan wir bey iren Churfürstlichen  
vñ Fürstlichen gnaden in aller vnderthenigkeit / vñ  
mit guttem vleiß befürderen wollen / auch den Chur-  
fürsten vnd Fürsten / welcher Reihe zu disssem auß-  
schuß verordnet gewesen / vnd vor beschluß differ sa-  
chen verritten sein / von hie auß der halben vnderthe-  
niglich geschrieben haben. Diweill nun dem also /  
vnd wo diesser anstande nit angenommen were vnser  
gnedigst vñ gnedige Herzen vnd Obern solich füglich  
vsach nit haben mochten bey der Keyf. Maiestat  
für **L. S. G.** zu handelen / vnnnd die sachen zu gutter  
vergleichong zu bingen / Vnd dan auch die Key-  
serliche Maiestat destomher vsach gehabt hetten /  
alle güetliche handlung abzulegen / da doch sunst  
in disssem anstande vermittelst Götlicher gnadē gut-  
te vergleichong gemacht / oder freilich desto leicht-  
sames

samer weiter notturfftiger fridlicher anstandt erhalten werden mag / So ist dem allem nach an eu-  
wer Fürstliche Gnaden vnser vnderthenig vleissig  
bitte die geruchen diese vnser vnderhandlung / vnd  
ihrer Fürstlicher Gnaden Rhetten bewilligung vnd  
annemung berurts anstandts / inen gnediglich gefal-  
ten / vnd nit zu widder sein zu lassen. Das wollen  
vmb Euwer Fürstliche Gnad / zu sampt dem das so-  
lichs von vns vnd iren Rhetten Euwer Fürstliche  
Gnaden zom besten / vnd vmb desto süglicher erlan-  
gung eines bestendigen friddens von vns vnd inen  
bethaidingt vnd angenommen worden wir jeder zeit  
vnser besten vermögens vnd vleiß vndertheniglich  
verdienen / E. S. G. vns hiemit zu gnaden vnderthe-  
niglich beuelhende. Datum Nurenberg Samstags  
nach Cantate / Anno etc. xliij.

Gemainer des Heiligen Reichs  
Stende zu der Sulchischen sach  
verordenten Ausschuß noch ge-  
genwurtige Rhetten.

Schrifft des Hertzogen obgemelt an  
den Erzbischoffen zu Mentz/  
Churfursten etc.

**V**ser freuntlich dienst vñ was wir mehr  
liebs vnd gutz vermügen alzeit zuuom /  
hochwirdiger Fürst freuntlicher lieber  
herz vñ Vetter / Wir sindt zweiuels frey /  
E. L. haben in frischer gedechtnuß / welcher gestalt  
e ij wir

D

wir auff etlichen vergangnē Reichstāgen vnsebe-  
swernuß anzeigen / vnd sonderlich bey Röm. Keyf.  
vnd Rön. Maiest. vnd derselbigen Commissarien/  
Churfürsten / Fürsten vnd Stenden des Reichs vn-  
dertheniglich / freuntlich vñ fleissig zu vilmalen an-  
halten vñ bitten lassen / das wir vñ die vnserer fur ge-  
walt versichert / mit vnseren Fürstenthumben vñnd  
Landen wie sich gebürt belehnet / vñ vnser Schloß /  
Zerligkeit / güter vñ rewlliche possession / der wir on  
vorgainde erkenneniß eynigs Rechtēs entsatz / wi-  
der restituirt werden möchten / mit erbietung / einem  
jeden vermög des Heiligen Reichs Ordnungen vñ  
herkommen / gebürlichs Rechtes gewertig zu sein.  
Vnd aber soliche vnser billiche biß vnd erbieuten biß  
anher nit stat haben mögen / deßhalbē wir der bil-  
ligkeit / vnd vnser notturfft nach / gegen die Abschei-  
de des Reichs durch vnserer Kethe vnd verordenten  
protestieren lassen / vñ vns keins wegs anders darin  
begeben. Nachdem aber vff jüngstgehaltenem  
Reichstag zu Speir durch Rön. Maiest. vnd Com-  
missarien Keyf. Maiest. auch Churfürsten / Fürsten  
vnd Stende des Reichs ein bestendiger frid be-  
dingt / Also das Keyf. vnd Rön. Maiest. fur sich vñ  
ire erblande / auch Churfürsten / Fürsten vñ Stende  
des Reichs / frid vñ Recht im Heiligen Reich / ge-  
gen desselbigen glidder / vnd andere Chrißliche Potē-  
taten halten / vnd darzu auch versuegen sollen / das  
solichs bestendig im Heiligen Reich bleib vñ ge-  
halten werd / Vnd als darnuff Churfürsten / Fürsten vñ  
Stende des Reichs ein außerrückliche Declaration  
gethan / das wir / mit sampt allen vnseren Fürsten-  
thumben

thumben vnd Landen die wir haben vnd besitzen/  
in solchem fridden / als ein glied des Reichs mit be-  
griffen / vnd demnach keiner gewaldt oder vberzugs  
befaren dürffen / souern wir ordentlich Recht leiden  
mögen vnd wollen. Dieweill wir vns dan ehe vnd  
alwege zu gepullichem Rechten erbotten / vñ dassel  
big nach des heiligen Reichs Ordnung vnd herkō-  
men woll erleiden können vnd wollen / souern wir da-  
bey gelassen / vertedingt / vnd daruber nit beschweert  
werden / wie wir dan auch solichs **E.L.** als des hei-  
ligen Reichs Teutscher Nation Erzcanzleren hie  
mit zuschreiben / vnd des erbieten / vnd vns als einem  
gehorsamen Fürsten des Reichs zu halten / geneigt.  
Demnach / vnd vff soliche vertroistong des heilige  
Reichs fridden vnd Declaration / vnd keiner ande-  
rer gestalt / auch der verhoffnung das die andere  
beswernussen abgeschafft werden / vnd vns was bil-  
lich ged yen soll / So haben wir zu dem Christlichen  
fürnemen widder den Türcken vnser Reuter vñnd  
knecht dismals abgefertigt / vñ nach Wien geschickt  
Vnd ist an **E.L.** vnser freuntlich biß / dieselbe wölle  
dieses in des heiligen Reichs Prothocoll vffschrei-  
ben Röm. Rön. Maieest. vñ Keyserlichen Commissa-  
rien verstendigen / vnd vff dem künfftigen versam-  
lungs tage zu Nürenberg / Churfursten / Fürsten vñ  
Stenden des Reichs anzeigen lassen / Solichs vmb  
**E.L.** die der Almechtig lange in glückseliger wol-  
fart erhalten wöll / sein wir allzeit zuuerdienen ge-  
neigt. Gegeben zu Dnysseldorff am iij. tage Ju-  
nij. Anno etc. xliij.

Wilhelm Herzog etc.  
c iij Wil-

## Wilhelm Hertzog zu Gūlich etc.

2

**L**ieb bare liebe besondern / Wir haben auß  
vnserer Kette relation verstandē / wes sich  
allenthalber zuge dragen in der vnderhād  
lung so die hochwirdigē / hochgeborne  
Fürsten vnserer freuntliche liebe Herzē / Oheim / Pat-  
freund / vñ Vetter / die vier Churfürsten bey Rhein /  
vñ Landgraff zu Hessen / gueter getreuwer meynōg  
furgenomen / vnd habē darauff nit anders vermerckē  
dan das jr mit allem getrewen vleiß vñnd arbeit ge-  
sucht vnd gesurdert / was zu friden / eintracht / vñ hin-  
legong der beschwernuß vñ verlouffs zwischen vns  
vñnd den Burgondischen dienlich hedt sein mögen /  
Vnd herwiderumb das die Burgundischen mit der  
geschwinder geferlicheit vñ vortheilung vmbge-  
gangen / darfur wir vns besorgt / vñ euch im anfang  
dieser handlong anzeigong gedain / vñ dieweill wir  
in keinen zweifel setzen jr habē darauff gnugsam er-  
saren wie gleichmessig / billich vñ scheidbar wir vns  
fur vnd fur erzeigt / vnd das an vns nichts erwōdē  
was zu einē bestendigen / ehlichen friden / oder frid-  
lichen anstandt sich hedde gebueren sollen / vnd das  
ihenig daruff die Burgundischē verharren mit allein  
vnbillich vns vñ den vnseren vnleidlich von allerme-  
niglichen muß geacht werden / sonder auch das wir  
es ehren halb nit inreumen / noch bei vnseren Lant-  
schafften erhalten kōnden / So müssen wir es dem-  
nach darbey lassen / vnd die sachen / vnd vns dem al-  
mechtigen beuelhen / der es alles in besserong wendē  
kan / vñnd wol weiß das wir nichts lieberes dan den  
friden

friden begeren, vnd bedancken vns nicht desto weni-  
 ger gegen ewren Heren freuntlich des geneigtē wil-  
 lens/ vñ gegen euch des angewandten trüwē vleiß/  
 vnd seien es gegen iren Liebden ganz freuntlich zu  
 verdienen/ vñ gegen euch mit gunst vñ gnaden zuer  
 kennē geneigt/ vñ gelangt dem allem nach an Euch  
 vnser gnedigs begeren jr wöllet berurte handlung  
 wie sich die allenthalben zugebragen Ewern Heren/  
 wie wir one das nit zweifel haben, vleissig angeigē/  
 vñ furderen helfen/ das die vnuerzuglich an ander  
 Churfursten, Fürsten vñ Stende des Reichs/ ober  
 deren abwesenden potschafften zu Nürenberg ge-  
 lange/ vnd dermassen zu hertzen gefurt werde damit  
 das vnbilllich furhaben der Burgundischen abge-  
 schafft wir/ vñ die vnser restituirt/ vñ bey des Heili-  
 gen Reichs Recht/ Lantfridden/ Ordnung/ Ab-  
 scheidt/ Fridstende/ Declaration vñ versicherung ver-  
 dedingt werden mögen/ Dan wir sein gneigt mit al-  
 lein die hauptsachen zu gebuerlichem vñ ordenliche  
 des heiligen Reichs Rechte/ sonder auch zu der ob-  
 gemelten Churfursten/ Fürsten vñ Stende erkant-  
 nuss zu stellen/ ob wir vns zu dieser fridlichen hand-  
 lung mehr oder mymer dan sich gebürt erbotten/  
 oder noch ferner zu thun schuldig sein/ Welchs wie  
 euch also vff ewer schreibē zur begertter antwort nit  
 haben können verhalten/ Datum in vnser Stat Gū-  
 lich am iij. tag Martij/ Anno etc. xliij.

An der vier Churfursten bey Rhein  
 vnd Hessische Kethe zu Ach.

Handwritten text, likely bleed-through from the reverse side of the page. The text is mirrored and mostly illegible due to fading and bleed-through.



292 III  
flora & Fauna 30  
steiner  
2. 65



